

摘藻堂四庫全書薈要

集部

欽定四庫全書薈要卷一萬七千六百七十三

集部

御定全唐詩卷二百六十八

耿漳

耿漳字洪源河東人登寶應元年進士第官右拾遺工詩與錢起盧綸司空曙諸人齊名號大歷十才子漳詩不深琢削而風格自勝集三卷今編詩二卷

發南康夜泊贛石中

倦客乘歸舟春溪杳將暮羣林結暝色孤泊有佳趣夜

山轉長江赤月吐深樹颯颯松上吹泛泛
一作花間露
險石俯潭渦跳湍礙沿沂豈唯垂堂戒兼以臨深懼稍
出回雁峰明登斬蛟柱連雲向重山杳未見鍾路

過王山人舊居

故宅春山中來逢一作遲夕陽入汲少井味變開稀戶樞
澀樹朽鳥不栖階閒雲自濕先生何處去惆悵空獨立

晚次昭應

落日向林路東風吹麥隴藤草蔓古渠牛羊下荒塚驪

宮戶久閉溫谷泉長湧為問全盛時何人最榮寵

聽早蟬歌

蟬鳴兮夕曛聲和兮夏雲白日兮將短秋意兮已滿乍

悲鳴

一作吟

兮欲長猶嘶澀兮多斷風蕭蕭兮轉清韻嗟

嗟兮初成依婆婆之古樹思遠落之荒城閒院支頤深

林倚策猶

一作獨

惆悵而無語鬢星星而已白

蘆花動

連素穗翻秋氣細節踈莖任長吹共作月中聲孤舟發

鄉思

賦得寒蛩

爾誰造鳴何早
趨趨連聲徧階草
復與夜雨和遊人
聽
堪老

宣城逢張二南史

全家宛陵客文雅世難逢
寄食年將老干時計未從
秋
來向曲水雨後散亭峯
西北長安遠登臨恨幾重

題童子寺

半偈留何處全身棄此中
雨餘沙塔壞月滿雪山空
聳刹臨回磴朱樓間碧叢
朝朝日將暮長對晉陽宮

夏日寄東溪隱者

日華浮野草色合遙空處處山
依舊年年事不同閒田孤壘外
暑雨片雲中惆悵多塵累無由訪釣翁

之江淮留別京中親故

長雲迷一雁漸遠向南聲
已帶千霜鬢初為萬里行
繁蟲滿夜草連雨暗秋城
前路諸侯貴何人重客卿

太原送許侍御出幕歸東都

昔隨劉越石今日獨歸時
汾水風煙冷并州花木遲
荒庭增別夢野雨失行期
莫向山陽過隣人夜笛悲

華州客舍奉和崔端公春城曉望

不語看芳徑悲春嬾獨行
向人微月在報雨早霞生
貧病催年齒風塵掩姓名
賴逢驄馬客郢曲緩羈情

題清羅翁雙泉

側弁向清漪門中夕照移
異源生暗石疊響落秋池
葉

擁沙痕沒流回草蔓隨泠泠無限意不獨遠公知

酬李文一作汶

落照長楊苑秋天渭水濱初飛萬木葉又長一年人貧
病仍為客艱虞更問津多慙惠然意今日肯相親

贈嚴維

許詢清論重寂寞住山陰野路接一作客投寒一作荒寺閒門

當一作傍古林海田秋熟早湖水夜漁深世上窮通理誰

人能一作能奈此心

春日題苗發竹亭

春亭及策上郎吏謝玄暉閒詠疎篁近高眠遠岫微偏
宜留野客暫得解朝衣猶憶東溪裏雷一作當雲掩故扉

題孝子陵

荒墳秋陌上霜露正霏霏松柏自成拱苦廬長不歸浮
埃積蓬鬢流血在一作存麻衣何必曾參傳千年至行稀

題莊上人房

不語焚香坐心知道已成流年衰此世定力見他生暮

雪餘春冷寒燈續晝明尋常五侯至敢望下階迎

宋中

日暮黃雲合年深白骨稀
舊村喬木在秋草遠人歸
廢井莓苔厚荒田路徑微
唯餘近山色相對似依依

秋夜思歸

來時猶暑服今已露漫漫
多雨逢初霽深秋生夜寒
投人心似一作自切為客事皆難
何處無留滯誰能暫問看

送李端

世上許劉楨洋洋風雅聲客來空改歲歸去未成名遠
近天初暮關河雪半晴空懷諫書在回首戀承明

送崔明府赴青城

清冬賓御出蜀道翠微間遠霧開羣壑初陽照近關霜
潭浮紫菜雪棧繞青山當似遺民去柴桑政自閒

送王將軍出塞

漢家邊事重實憲出臨戎絕漠秋山在陽關舊路通列
營依茂草吹角向高風更就燕然石行看奏虜功

一作看銘

破虜
功

雨中留別

東西無定客風雨未休時
憫默此中別飄零何處期
青山違舊隱白髮入新詩
歲歲迷津路生涯漸可悲

送楊將軍

一身良將後萬里討烏孫
落日邊陲靜秋風鼓角喧
遠山當磧路茂草向營門
生死酬恩寵功名豈敢論

送夏侯審遊蜀

暮峰和玉壘回望不通秦更問蜀城路但逢巴語人石
林鶯囀曉板屋月明春若訪嚴夫子無嫌卜肆貧

送張侍御赴郴州別駕

佐郡人難料分襟日復斜一帆隨遠水百口過長沙明
月江邊夜平陵夢裏家王孫對芳草愁思杳無涯

送苗贄

一作
斌

赴陽翟丞

夕陽秋草上去馬弟兄看年少初辭闕時危遠效官山
行獨夜雨旅宿二陵寒詩興生何處嵩陽羽客壇

送絳州郭參軍

遠事諸侯出青山古晉城連行麴水閣獨入議中兵夜
雨新田濕春風曙角鳴人傳府公政記室有參卿

常州留別

萬里南天外求書禹穴間往來成白首旦暮見青山夜
浦涼雲過秋塘好月閒殷勤陽羨桂別此幾時攀

關山月

月明邊徼靜戍客望鄉時塞古柳衰盡關寒榆發遲蒼

蒼萬里道戚戚十年悲今夜青樓上還應照

一作有

所思

代宋州將淮上乞師

脣齒幸相依危亡故遠

一作郡

歸身輕

一作經

百戰出

一作後

家在數重圍上將堅深壘殘兵鬪落暉常聞鐵劍利
早晚借餘威

秋晚卧疾寄司空拾遺曙盧少府綸

寒几坐空堂踈髯似積霜老醫迷舊疾朽藥誤新方
晚果紅低樹秋苔綠徧牆慙非蔣生徑不敢望求羊

贈海明上人

一作贈朗公

來自西天竺

一作竺國

持經奉紫微
年深梵語變
行苦俗流

一作人

歸月上安禪
久苔生出院
稀梁間有馴
鶻不去復

一作亦

何依

一作為無機

津亭有懷

津亭一望鄉
淮海晚茫茫
草沒棲洲鷺
天連映浦檣
往來通楚越
旦暮易漁商
惆悵緘書畢
何人向洛陽

晚投江澤浦
即事呈柳兵曹
泥

落日過重霞，輕烟上遠沙。
移舟衝荇蔓，轉浦入蘆花。
斷岸迂來客，連波漾去槎。
故鄉何處在，更道向天涯。

東郊別業

東臯占薄田，耕種過餘年。
護藥栽山刺，澆蔬引竹泉。
晚雷期稔歲，重霧報晴天。
若問幽人意，思齊沮溺賢。

早朝

鐘鼓餘聲裏，千官向紫微。
冒寒人語少，乘月燭來稀。
清漏聞馳道，輕霞映瑣闈。
猶看嘶馬處，未啟掖垣扉。

屏居整屋

百年心不料一卷日相知乘興偏難改憂家是強為縣
城寒寂寞峰樹遠參差自笑無謀一作媒者祇應道在斯

進秋集

豈悟因羅者迎霜獻紫微夕陽分素臆秋色上花衣舉
翅雲天近回眸燕雀稀應隨明主意百中有光輝

詠宣州筆

寒竹慙虛受纖毫任幾重影端緣守直心勁懶藏鋒落

紙驚風起搖空見露濃丹青與文事捨此復何從

春日洪州即事

鍾陵春日好春水滿南塘竹宇分朱閣桐花間綠楊蹉
跎看鬢色留滯惜年芳欲問羈愁發秦關道路長

雪後宿王純池州草堂

宿君湖上宅琴韻靜參差夜雪入秋浦孤城連貴池流
年看共老銜酒發中悲良會應難再晨雞自有期

旅次漢故

一作時

我行過漢時寥落見孤城
邑里經多難兒童識五兵
廣川桑遍綠叢薄雉連鳴
惆悵蕭關道終軍願請纓

過三郊驛却寄楊評事時此子郭令公欲有表

薦

冉冉青衫客悠悠白髮人
亂山孤驛暮長路百花新
終歲行他縣全家望此身
更思君去就早晚問平津

隴西行

雪下陽關路人稀隴戍頭封狐
猶未翦邊將豈無羞白

草三冬色黃雲萬里愁因思李都尉畢竟不封侯

巴陵逢洛陽鄰舍

一作書情
逢故人

因君知北

一作世

事流浪

一作恨

已忘機客久

一作久客

多人識

一作厭

年高

一作高年

衆病歸連雲湖

一作朝

色遠度雪雁聲稀

又說家林盡悽傷淚滿衣

哭張融

早歲能文客中年與世違有家孀婦少無子弔人稀總

帳塵空暗

一作積

銘旌雨不飛依然舊鄉路寂寞幾回歸

送友貶嶺南

暮年從遠謫，落日別交親。
湖上北飛雁，天涯南去人。
夢成湘浦夜，淚盡桂陽春。
歲月茫茫意，何時雨露新。

春日即事二首

詩書成志業，嬾慢致蹉跎。
聖代丹霄遠，明時白髮多。
淺謀堪自笑，窮巷憶誰過。
寂寞前山暮，一作路歸人樵採歌。

數畝東臯宅，青春獨屏居。
家貧僮僕慢，官罷友朋疎。
強飲沽來酒，羞看讀了書。
閒花開一作更滿地，惆悵復何如。

贈田家翁

老人迎客處，籬落稻畦間。
蠶屋朝寒閉，田家晝雨閒。
門

間新雉草，蹊徑

一作樵採

舊諳山自道，誰相及

一作友

邀予試

往還

贈韋山人

失意成逋客，終

一作經

年獨掩扉，無機狎鷗慣。
多病見人

稀，流水知行樂。孤雲伴採薇，空齋莫閒笑

一作暮還坐

心事

與時違

濬公院懷舊

遠公傳教畢身沒向他方
弔客來何見門人閉影堂
紗燈臨古砌塵札在空牀
寂寞踈鐘後秋天有夕陽

雨中宿義興寺

遙夜宿東林蟲聲階草深
高風初落葉多雨未歸心
家國身猶負星霜鬢已侵
滄洲縱不去何處有知音

送王祕書歸江東

迴首望知音逶迤桑柘林
人歸海郡遠路入雨天深
萬

木經秋葉孤舟向暮心
唯餘江畔草應見白頭吟

渭上送李藏器移家東都

求名雖

一作須

有據

一作授

學稼

一作道

又無田

一作緣

故國三

千里新春五十年
移家還作客避地
莫知賢洛浦今何
處風帆去渺然

春尋柳先生

言是商山老塵心
莫問年白鬚垂策
短烏帽據梧偏酒
熟飛巴雨丹成見
海田踈雲披遠水
景動石牀前

題藏公院

古院林公住，踈篁近井桃。俗年人見少，禪地自知高。藥

草一作物誠多喻，滄溟在一毫。仍悲次宗輩，塵事日為勞。

夏夜西亭即事寄錢員外

高亭賓客散，暑夜醉相和。細汗迎一作疑衣集，微涼待扇

過。風還池色定，月晚樹陰多。遙想隨行者，珊珊動曉珂。

與清江上人及諸公宿李八昆季宅

湯公多外友，洛社自相依。遠客還登會，秋懷欲忘歸。驚

風林果少驟雨砌蟲稀更過三張價東遊愧陸機

春日即事

鄰里朝光徧披衣夜醉醒庖厨非舊火林木發新青接
果移天性疏泉逐地形清明來幾日戴勝已堪聽

秋夜會宿李永宅憶江南舊遊

偶宿俱南客相看喜盡歸湖山話不極歲月念空違子
夜高梧冷秋陰遠漏微那無此良會惜在謝家稀

冬夜尋李永因書事贈之

棲遑偏降志，疵賤倍修身。
近覺多衰鬢，深知獨故人。
天垂五夜月，霜覆九衢塵。
不待逢沮溺，而今惡問津。

立春日宴高陵任明府宅

春灰今變候，密雪又霏霏。
坐客同心滿，流年此會稀。
風成空處亂，素積夜來飛。
且共銜盃酒，陶潛不得歸。

春日遊慈恩寺寄暢當

浮世今何事，空門此諦真。
死生俱是夢，哀樂詎關身。
遠草光連水，春篁色離塵。
當從庾中庶，詩客更何人。

晚秋過蘇少府

九江迷去住，羣吏且因依。
高木秋垂露，寒城暮掩扉。
隨雲心自遠，看草伴應稀。
肯信同年友，相望青瑣闈。

登鸛雀樓

久客心常醉，高樓日漸低。
黃河經海內，華嶽鎮關西。
去遠千帆小，來遲獨鳥迷。
終年不得意，空覺負東溪。

賦得沙上雁

衡陽多道里，弱羽復哀音。
還塞知何日，驚弦亂此心。
夜

陰前侶遠秋冷後湖深獨立汀洲意寧知一作憂霜霰侵

夜尋盧處士

月高雞犬靜門掩向寒塘夜竹深茅宇秋庭冷石牀住
山年已遠服藥壽偏長虛棄如吾者逢君益自傷

邠州留別

終歲山川路

一作長路
來還去

生涯總

一作竟

幾

一作若

何艱難為

客慣貧賤受恩多暮角寒山色秋風遠水波

一作暮角
飄長韻寒

流起無人見惆悵垂鞵入煙蘿

一作懸愁茂陵
宅春色又相過

贈張將軍

一作開府

寥落軍城暮重門返照間
鼓鞞經雨暗士馬過秋閒
慣

守臨邊郡曾營近海

一作磧

山關西舊業在夜夜夢中還

一作誰云張校尉
萬里鑿空還

贈隱公

一作贈
隱上人

世間無近遠定裏徧曾過
東海經長在南朝寺最多
暮

年聊

一作休

化俗初地即

一作却

推魔今日忘塵慮
看心義

若何

贈別安邑韓少府

子真能自在

一作說

江海意何如
門掩疎塵吏
心閒閱道

書古城寒欲雪
遠客暮無車
杳杳思前路
誰堪千里餘

送胡校書秩滿歸河中

古樹汾陰

一作陽

道悠悠東去
長位卑仍解印
身老又

一作

得還鄉
河水平
秋岸關門向夕陽
音書須數附

一作寄

莫

學晉嵇康

送河中張曹曹往太原計會迴

北風長至遠四牡向幽并衰木新田路寒蕪故絳城遙
聽邊上信遠計朔南程料變當臨事遙知外國情

送郭正字歸郢上

濟江篇已出

一作上

書府俸猶貧積雪商山道全家楚塞

人大堤逢落日廣漢望通津却別

一作到

漁潭下驚鷗那

可一作肯親

題李孝廉書房

野情專易外

一作商瞿傳易教

一室向青山業就三編絕心通

萬事

一作象

閒鶯稀

一作啼

春木上草徧暮塔

一作夕陽

間莫道

歸

一作符

繻在來時棄故關

酬暢當

同遊漆沮後已是十年餘幾度曾相夢何時定得書
月高城影盡霜重柳條疎且對尊中酒千般想未如

留別解縣韓明府

一作別解明府

閒人州縣厭賤士友朋譏朔雪逢初下秦關獨暮歸
寒茅一作燕下一作上原淺殘雪一作燒過風微一路何相慰唯

君能政稀

一作致歸

遊鍾山紫芝觀

繫舟仙宅下清磬落春風
雨數芝田長雲開石路重
古房清磴接深殿紫烟濃
鶴駕何時去遊人自不逢

晚秋宿裴負外寺院

得逢字

仲言多麗藻晚水獨芙蓉
梁苑仍秋過仁祠又夜逢
回林通暗竹去雨帶寒鐘
願向空門裏修持比畫

一作畫龍

秋夜喜盧司直嚴少府訪宿

寂寂閉層城悠悠此夜情
早涼過鬢髮秋思入柴荆
嚴子多高趣盧公有盛名
還如杜陵下暫拂蔣元卿

下邳客舍喜叔孫主簿鄭少府見過

良宵復杪秋把酒說羈遊
落木東西別寒萍遠近流
蕭條旅館月寂歷曙更籌
不是仇梅至何人問百憂

蓋屋客舍

寥寥荒壘下客舍雨微微
門見苔生滿心慙吏到稀
籬花看未發海燕欲先歸
無限堪惆悵誰家復擣衣

宿韋員外宅

傳經韋相後，賜筆漢家郎。
幽閣諸生會，寒宵幾刻長。
座中燈泛酒，簷外月如霜。
人事多飄忽，邀歡詎可忘。

登沃州山

沃州初望海，携手盡時髦。
小暑開鵬翼，新棠長鷺濤。
月如芳草遠，身比夕陽高。
羊祜傷風景，誰云異我曹。

宿岐山姜明府廳

暝色休羣動，秋齋遠客情。
細風和雨氣，寒竹度簾聲。
日

覺蹉跎近天教，嬾慢成誰能。謁卿相朝夕，笑浮榮。

上巳日

共來修禊事，內顧一悲翁。玉鬢風塵下，花林絲管中。故
山離水石，舊侶失鷓鴣。不及遊魚樂，裊回蓮葉東。

登樂遊原

園廟何年廢，登臨有故丘。孤村連日靜，多雨及霖休。常
與秦山對，曾經漢主遊。豈知千載後，萬事水東流。

題惟幹上人房

繩牀茅屋下獨坐味閒安苦行無童子忘機避宰官是
非齊已久夏臘比應難更悟真如性塵心稍自寬

會鳳翔張少尹南亭

遠過張正見詩興自依依西府軍城暮南庭吏事稀草
簷宜日過花圃任煙歸更料重關外羣僚候啟扉

早春宴高陵滑少府

得昇
字

且寬沈簿領應賴酒如澗春夜霜猶下東城月未昇清
言饒醉客亂舞避寒燈名字書仙籍諸生病未能

寒蜂採菊蕊

遊颺下晴空尋芳到菊叢帶聲來蕊上連影

一作飲

在香

中去住霑餘霧高低順過風終慙異蝴蝶不與夢魂通

題楊著別業

柳巷向陂斜回陽噪亂鷗農桑子雲業書籍蔡邕家暮
葉初翻砌寒池轉露沙如何守儒行寂寞過年華

送太僕寺李丞赴都到桃林塞

遠過桃林塞休年自昔聞曲河隨暮草重阜接閒雲造

父為周御詹嘉守晉軍應多懷古思落葉又紛紛

宋中

百戰無軍食孤城陷虜塵為傷多易子翻帛浚為臣漫
漫東流水悠悠南陌人空思前事日向曉淚霑巾

陪讌湖州公堂

謝公為楚郡坐客是瑤林文府重門奧儒源積浪深壺
觴邀薄醉笙磬發高音末至才仍短難隨白雪吟

尋覺公因寄李二端司空十四曙

少年嘗味道無事日悠悠及至悟生死尋僧已白頭雲
迴廬瀑布樹落給園秋為我謝宗許塵中難久留

送郭秀才赴舉

鄉賦鹿鳴篇君為貢士先新經夢筆夜纔比棄繻年海
雨沾隋柳江潮赴楚船相看南去雁一作離恨倍潸然

送王閏一作潤

相送臨漢一作寒水愴然望故關江蕪連夢澤楚雪入商

山語我他年舊看君此日還因將自悲淚一灑別離間

送蜀客還

萬峯深積翠，路向此中難。
欲暮多羈思，因高莫遠看。
卓家人寂寞，揚子業荒殘。
唯見岷江水，悠悠帶月寒。

送海州盧錄事

之官逢計吏，風土問如何。
海口朝陽近，青州春氣多。
郊原鵬影到，樓閣蜃雲和。
損益關從事，期聽勞者歌。

登鍾山館

匹馬宜春路，蕭條背館心。
澗花寒夕雨，潭水黑朝林。
野

市魚鹽隘江村竹葦深子規何處發青樹滿高岑

秋日

一作
落照

照耀天山外飛鷗幾共過微紅拂秋漢片白透長波影
促寒汀薄光殘古木多金霞與雲氣散漫復相和

贈苗員外

為郎日賦詩小謝少年時業繼儒門後心多道者期晚
一作迴長樂殿新出夜一作明祠行樂西園暮春風動

柳絲

詣順公問道

此身知是妄遠遠詣支公何法住持後能逃生死中秋
苔經古徑擇葉滿疎叢方便如開誘南宗與北宗

廢慶寶寺

一作司空曙詩

黃葉前朝寺無僧寒

一作間

殿開池晴龜出暴松暝鶴飛

迴古井

一作砌

碑橫草陰廊畫雜苔禪宮亦銷

一作衰

歇塵

世轉堪哀

赴許州留別洛中親故

淳風今變俗末學誤為文章免投湘浦那辭近汝墳山
遮魏闕路日隱洛陽雲

一作城

誰念聯翩翼烟中獨失羣

送葉尊師歸處州

風馭南行遠長山與夜江羣祇離分野五嶽拜旌幢石
髓調金鼎雲漿實玉缸
折折吠聲曉洞府有仙厖

御定全唐詩卷二百六十八

欽定四庫全書薈要卷一萬七千六百七十四

集部

御定全唐詩卷二百六十九

耿漳

酬張少尹秋日鳳翔西郊見寄

鼎氣孕河汾英英濟舊勳劉生曾任俠張率自能文官
佐征西府名齊將上軍秋山遙出浦野鶴暮離群遠恨
邊笳起勞歌騎吏聞廢闕人不到荒戍日空曛草木涼
初變陰晴景半分疊蟬臨積水亂燕入過

一作高

雲麗藻

終思我衰髯亦為君閒吟寡和曲庭葉漸紛紛

春日書情寄元校書伯和相國元子

數歲平津邸諸生出門一作問時羈孤力行早踈賤託身

遲芳草看無厭青山到末期貧居悲老大春日茅茨
衛玠瓊瑤色玄成鼎鼐姿友朋漢相府兄弟謝家詩律
合聲雖應勞歌調自悲流年不可住惆悵鏡中絲

奉送崔侍御和蕃

萬里華戎隔風沙道路秋新恩明主啟舊好使臣修旌

節隨邊草關山見
戍樓俗殊人左袵
地遠水西流日暮
冰先合春深雪未
休無論善長對博
望自封侯

春日即事

芳菲那變易年鬢
自蹉跎室與千峯
對門唯二仲過宦
情知己少生事託
人多草色微風長
鶯聲細雨和幾時
猶滯拙終日望恩
波縱欲論相報無
如漂母何

仙山行

深溪人不到杖策
獨緣源花落尋無
徑雞鳴覺近村數

翁皆藉草對奕復傾尊看畢初為一作局歸逢幾世孫

雲迷入洞處水引出山門惆悵歸城郭樵柯迹尚存

得替後書懷上第五相公

誰語恓惶客偏承顧盼私應逾骨肉分敢忘死生期山
縣唯荒壘雲屯盡老師庖人寧自代食藥謬相推黃綬
名空罷青春鬢又衰還來掃門處猶未報恩時獨立花
飛滿無言月下遲不知丞相意更欲遣何之

入塞曲

將軍帶十圍重錦製戎衣
援臂銷弓力亂鬚長劍威首
登平樂宴新破大宛歸樓上
誅姬笑門前問客稀暮烽
玄兔急秋草紫騮肥未奉君王
詔高槐晝掩扉

送姚校書因歸河中

十年相見少一歲又還鄉
去住人惆悵東西路渺茫古
陂無茂草高樹有殘陽
委棄秋來一作
收餘稻彫疎採後桑
月輪生舜廟河水出一作
入關牆明日過閭里
光輝芸閣

郎一作
香

題清源寺

即王右丞故宅

儒墨兼宗道雲泉隱舊

一作舊結

廬孟城今寂寞輞水自紆

餘內學銷多累西林

一作園

易故居深房春竹老細雨夜

鐘疎陳跡留金地遺文在石渠不知登座客誰得

一作學

蔡邕書

奉送蔣尚書兼御史大夫東都留守

副相威名重春卿禮樂崇錫珪仍拜下分命遂居東高
旆翻秋日清鏡引細風蟬稀金谷樹草徧德陽官教用

儒門儉兵依武庫，雄誰云千載。後周召獨為公。

喜侯十七校書見訪

東城獨屏居，有客到吾廬。發廩因春黍，開畦復翦蔬。許
酣令乞酒，辭宴任無魚。徧出新成句，更通未悟書。藤絲
秋不長，竹粉雨仍餘。誰為一作須張燭，涼空有望舒。

晚春青門林亭燕集

都門連騎出東野，柳如絲。秦苑看山處，王孫逐草時。歡
遊難再得，衰老是前期。林靜鶯啼遠，春深日過遲。落花

今夕思秉燭古人詩對酒當為樂雙杯未可辭

晚秋東遊寄猗氏第五明府解縣韓明府

步出青門去踈鐘隔上林四郊多難日千里獨歸心暮
鳥聲偏苦秋雲色易陰亂墳松柏少野徑草茅深灞浹
袁安履汾南空賤琴何由聽白雪祇益淚霑襟

奉和元承

一作丞

杪秋憶終南舊居

白玉郎仍少羊車上路平秋風搖遠草舊業起高情亂
樹通秦苑重原接杜城溪雲隨暮淡野水帶寒清廣樹

一作
榭

留峯翠間門響葉聲近樵應已燒多稼又新成解
佩從休沐承家豈退耕恭侯有遺躅何事學泉明

晚夏即事臨南居

何須學從宦其奈本無機蕙草芳菲歇青山早晚歸
廣庭餘落照高枕對閒扉樹色迎秋老蟬聲過雨稀艱難
逢事異去就與時違遙憶衡門外蒼蒼三徑微

省試驪珠詩

是日重泉下言探徑寸珠龍鱗今不逆魚目也應殊掌

上星初滿盤中月正孤酬恩光莫及照乘色難踰欲問
投人否先論按劍無僮憐希代價敢對此冰壺

元日早朝

九陌朝臣滿三朝候鼓賒遠珂時接韻攢炬偶成花紫
貝為高闕黃龍建大牙參差萬戟合左右八貂斜羽扇
紛朱檻金鑪隔翠華微風傳曙漏曉日上春霞環珮聲
重疊蠻夷服等差樂和天易感山固壽無涯渥澤千年
聖車書四海家盛明多在位誰得守蓬麻

送歸中丞使新羅

一本題下有冊
立弔祭四字

遠國通王化儒林得使臣六

一作立

君成典冊萬里

一作行弔

奉絲綸雲水連孤棹恩私在一身悠悠龍節去渺渺蜃

樓新望裏行還

一作山仍

暮波中歲又春昏明看日御

一作脚又

作色靈怪問舟人城邑分華夏衣裳擬縉紳他時禮命畢

歸路勿

一作不

迷津

贈興平鄭明府

海內兵猶在關西賦未均仍勞持斧使尚宰茂陵人遙

夜重城掩清宵片月新綠琴聽古調白屋被深仁跡與
儒生合心惟靜者親深情先結契薄宦早趨塵貧病休
何日艱難過此身悠悠行遠道冉冉過一作良辰明主
知封事長沮笑問津樓遑忽相見欲語淚霑巾

和王懷州觀西營秋射

得寒字

謝公親校武草碧露漫漫落葉停高駕空林滿從官迎
籌皆疊鼓揮箭或移竿名借三軍勇功推百中難主皮
山郡晚飲筭柳營寒明日開鈴閣新詩雙玉盤

晚登虔州即事寄李侍御

章溪與貢水何事會波瀾萬里歸人少孤舟行路難春
光浮曲浪暮色隔連灘花發從南早江流向北寬故交
參盛府新角聳危冠楚劍期終割隋珠惜未彈酒醒愁
轉極別遠淚初乾願保喬松質青青過大一作寒

奉和第五相公登鄱陽郡城西樓

茂德為邦久豐貂舊相尊發生傳雨露均養助乾坤曉

肆登樓目春

一本

銷戀闕覓女牆分吏事遠

一作闕

道

啟津門溢浦潮聲盡鍾陵暮色繁夕陽移夢土芳草接

湘源封內羣毗復兵間百賦存童牛耕廢畝塚木

一作水

遠新村野步漁聲

一作歌

溢荒祠鼓舞喧高齋成五字遠

岫發孤猿一顧承英達多榮及子孫家貧仍受賜身老
未酬恩屬和瑤華曲堪將繫組綸

甘泉詩

并序

甘泉美良牧也覃懷舊水鹹鹵人多祲

一作疫

患天

愍遺眚是生王公惠和既敷妙用潛應頃修壘虞

寇鑿井便既忽遇醴泉香美若飴遂命水工浚
餘泥葺欄備綆維人所欲萬竒繼絮道路紛紛既
蠲諸邪亦愈羣瘵豈止夫宜盥漱之用增烹飪之
味客乃率然遂賦茲什

異井甘如醴深仁遠未涯氣寒堪破暑源淨自蠲邪修

綆懸冰甃新桐

一作梧

蔭玉沙帶星凝曉露拂霧湧秋華

綠溢涵千仞清冷飲萬家何能葛洪宅終日閉煙霞

發綿津驛

孤舟壯去暮心傷
細雨東風春草長
杳杳短亭分水陸
隆隆遠鼓集漁商
千叢野竹連湘浦
一派寒江下吉陽
欲問長安今遠近
初年一作逢塞雁有歸行

塞上曲

慣習干戈事
鞍馬初從少
小在邊城身
微久屬千夫
長家遠多親
五郡兵嬾說
疆場曾大獲
且悲年鬢老
長征塞鴻過
盡殘陽
裏樓上悽悽一作鳴鳴暮角聲

路旁老人

老人獨坐倚官樹欲語潛然淚便垂陌上歸心無產業
城邊戰骨有親知餘生尚在艱難日長路多逢輕薄兒
綠水青山雖似舊如今貧後復何為

贈別劉員外長卿

清如寒玉直如絲世故多虞事莫期建德津亭人別夜
新安江水月明時為文易老皆知苦謫宦無名倍足悲
不學朱雲能折檻空羞獻納在丹墀

宿萬固

一作

寺因寄嚴補闕

晚隨樵客到青冥因禮山僧宿化城鐘梵已休初入定
有無皆離本難名雲開半夜千林靜月上中峰萬壑明
為報故人雷處士塵心終日自勞生

岐陽客舍呈張明府

逸妻稚子應溝壑歸路茫茫東去遙涼葉下時心悄悄
空齋夢裏雨蕭蕭星霜漸見侵華髮生長虛聞在聖朝
知己只今何處在故山無事別漁樵

奉和李觀察登河中白樓

城上高樓飛鳥齊從公一遂躡丹梯黃河曲盡流天外
白日輪輕一作傾落海西玉樹九重長在夢雲衢一望杳
如迷何心更和陽春奏况復秋風聞戰鼙

朝下寄韓舍人

侍臣鳴珮出西曹鸞殿分階翊綵旄瑞氣迴浮青玉案
日華遙上赤霜袍花間焰焰雲旗合鳥外亭亭露掌高
肯念萬年芳樹裏隨風一葉在蓬蒿

賀李觀察禱河神降雨

質明齋祭北風微
騶馭千羣擁廟扉
玉帛纒敷雲淡淡
笙鏞未撤雨霏霏
路邊五稼添膏長
河上雙旌帶溼歸
若出敬亭山下作
何人敢和謝玄暉

上將行

一作上表
行軍中丞

蕭關掃定犬羊羣

一作胡塵已滅
天山外

閉閣層城白日

一作陰陰
日復

曛櫪上驂騑
嘶鼓角門前老將識
風雲旌旗四面寒
山

映

一作高秋見

絲管

一作竹

千家靜夜聞
誰道古來多簡冊

一作

計功臣

一作成

唯有衛

一作是李

將軍

一作更想他時看竹帛
功成不獨霍將軍

許下書情寄張韓二舍人

謫宦軍城老更悲
近來頻夜夢丹墀
銀杯乍滅心中火

金鑷唯多鬢上絲

一作乍然乍滅
心中火漸鑷漸多鬢上絲

繞院

一作履
又作徑綠

苔聞雁處滿庭黃
葉閉門時故人高步雲衢上
肯念前程杳未期

九日

重陽寒寺滿秋梧
客在南樓顧老夫
步蹇強登遊藻井
髮稀那更插茱萸
橫空過雨千峰出
大野新霜萬葉枯

一作萬
壑鋪

更望尊中菊花酒殷勤能得幾回沽

送大谷高少府

縣屬并州北近胡悠悠此別宦仍孤應知史筆思循吏
莫料轅門笑魯儒古塞草青宜牧馬春城月暗好啼烏
彫殘貴有親仁術梅福何須去隱吳

同李端春望

二毛羈旅尚迷津萬井鶯花雨後春宮闕參差當晚日
山河迤邐靜纖塵和風醉裏承恩客芳草歸時失意人

南北東西各自去，年年依舊物華新。

嶽祠送薛近貶官

枯松老栢仙山下，白帝祠堂枕古逵。
遷客無辜祝史告，神明有喜女巫知。
遙思桂浦人空去，遠過衡陽雁不隨。
度嶺梅花翻向北，回看不見樹南枝。

送友人遊江南

遠別悠悠白髮新，江潭何處是通津。
潮聲偏懼初來客，海味唯甘久住人。
漠漠煙光前浦晚，青青草色定山春。

汀洲更有南迴雁
亂起聯翩北向秦

長門怨

聞道昭陽宴
嘯蛾落葉中
清歌逐寒月
遙夜入深宮

秋日

反照入閭巷
憂來與誰

一作愁
來誰共

語古道無

一作少

人行秋

風動禾黍

秋夜

高秋夜分後
遠客雁來時
寂寞重門掩
無人問所思

慈恩寺殘春

雙林花已盡葉色占殘芳若問同遊客高年最斷腸

早次眷一作鄒縣界

疋馬曉路一作言歸悠悠渭川道晴山向孤城秋日滿白

草

路傍墓

石馬雙雙當古樹不知何代公侯墓墓前靡靡一作菲菲春

草深唯有行人看碑路

代園中老人

傭賃難

一作誰

堪一老身
皤皤力役在青春
林園手種唯

吾事桃李成陰歸別人

古意

雖言千騎上頭居
一世生離恨有餘
葉下綺窗銀燭冷
含啼自草錦中書

涼州詞

國使翻翻隨旆旌
隴西岐路足荒城
羶裘牧馬胡雛小

日暮蕃歌三兩聲

安邑王校書居

秋來池館清夜聞宮漏聲迢遶玉山迴泛艷銀河傾琴
上松風至窗裏竹煙生多君不家食孰云事巖耕

登總持寺閣

今日登高閣三休忽自悲因知筋力減不及往年時草
樹還如舊山河亦在茲龍鍾兼老病更有重來期

寄錢起

一作司空曙詩

草長花落樹羸病強尋春無復少年意空餘華髮新青
原高見水白社靜逢人寄謝南宮客軒車不見親

宿青龍寺故曇上人院

年深宮院在閒客自相逢閉戶臨寒竹無人有夜鐘降
龍今已去巢鶴竟何從坐見繁星曉淒涼識舊峯

新蟬

一作司空曙詩

今朝蟬忽鳴選客若為情便覺一年謝能令萬感生微
風方滿樹落日稍沈城為問同懷者淒涼聽樂聲

秋中雨田園即事

漠漠重雲暗蕭蕭密雨垂為霖淹古道積日滿荒陂五
稼何時穫孤村幾戶炊亂流發通圃腐葉著秋枝暮爨
新樵溼晨漁舊浦移空餘去年菊花發在東籬

拜新月

一作李
端詩

開簾見新月便即下階拜細語人不聞北風吹裙帶

客行贈人

旅行雖別路日暮各思歸欲下今朝淚知君亦濕衣

贈山老人

白首獨一身青山為四隣
雖行故鄉陌不見故鄉人

贈胡居士

孔融過五十海內故人稀
相府恩猶在知君未拂衣

薦福寺送元偉

送客攀花後尋僧坐竹時
明朝莫回望青草馬行遲

觀鄰老栽松

雖過老人宅不解老人心
何事斜陽裏栽松欲待陰

哭麴象

一作司空曙詩

憶昨秋風起君曾歎逐臣何言芳草日自作九泉人

哭苗垂

舊友無由見孤墳草欲長月斜鄰笛盡車馬出山陽

題雲際寺故僧院

白髮怱怱色青山草草心遠公仍下世從此別東林

句


高樹多涼吹踈蟬足斷聲

見海錄
碎事

御定全唐詩卷二百六十九

謹案卷二百六十九第十五頁前六行便即下階
拜按別本便即作即便





總校官庶吉士臣張能照

校對官檢討臣王鍾健

謄錄監生臣葉椿

謄錄監生臣曹錫璜

欽定四庫全書薈要

集部

御定全唐詩卷二百

七十一



欽定四庫全書薈要卷一萬七千六百七十五

集部

御定全唐詩卷二百七十

戎昱

(戎昱)
荆南人登進士第衛伯玉鎮荆南辟為從事建中
中為辰虔二州刺史集五卷今編詩一卷

塞下一作曲

上

慘慘寒日沒北風卷蓬根將軍領疲兵却入古塞門
回頭指陰山殺氣成黃雲

上山望胡兵胡馬馳驟速黃河水已合意又向南牧嫖
姚夜出軍霜雪割人肉

塞北無草木烏鳶巢僵屍泱泱沙漠空終日胡風吹戰
卒多苦辛辛無四時

晚渡西海西向東着日沒傍岸砂礫堆半和戰兵骨單
于竟未滅陰氣常勃勃

城

一作樓

上畫角哀即

一作則

知兵心苦試問左右人無言

淚如雨何意休明時終年事鞞鼓

北風凋百草胡馬日駸駸夜後戍樓月秋來邊將心鐵
衣霜露一作雪重戰馬歲年深自有盧龍塞煙塵飛至今

苦哉行五首

寶應中過滑州洛陽後同王季友作

彼鼠侵我厨縱狸授梁肉鼠雖為君却狸食自須足冀
雪大國恥翻是大國辱羶腥逼綺羅塲瓦雜珠玉登樓
非騁望目笑是心哭何意天樂中至今奏胡曲

官軍收洛陽家住洛陽里夫婿與兄弟目前見傷死吞
聲不許哭還遣衣羅綺上馬隨匈奴數秋黃塵裏生為

名家女死作塞垣鬼鄉國無還期天津哭流水

登樓望天衢目極淚盈睫
彊笑無笑容須妝舊花
壓昔年買奴僕奴僕來
碎葉豈意未死間自為
匈奴妾一生忽至此萬事
痛苦業得出塞垣飛不
如彼蜂蝶

妾家清河邊七葉承貂蟬
身為最小女偏得渾家
憐親戚不相識幽閨十
五年有時最遠出祇到
中門前前年狂胡來懼
死翻生全今秋官軍至
豈意遭戈鋌匈奴為
先鋒長鼻黃髮拳彎弓
獵生人百步牛羊羶脫
身落虎

口不及歸黃泉苦哉難重陳暗哭蒼蒼天

可汗奉親詔今月歸燕山忽如亂刀劍攪妾心腸間出
戶望北荒迢迢玉門關生人為死別有去無時還漢月
割妾心胡風凋妾顏去去斷絕魂叫天天不聞

苦辛行

且莫奏短歌聽余苦辛詞如今刀筆士不及屠沽兒少
年無事學詩賦豈意文章復相悞東西南北少知音終
年竟歲悲行路仰面訴天天不聞低頭告地地不言天

地生我尚如此陌上他人何足論誰謂西江深涉之固
無憂誰謂南山高可以登之遊險巖唯有世間路一晌
令人堪白頭貴人立意不可測等閒桃李成荆棘風塵
之士深可親心如雞犬能依人悲來却憶漢天子不棄
相如家舊貧勸君且飲酒酒能散羈愁誰家有酒判一
醉萬事從他江水流

長安秋夕

一作中秋感懷

八月更漏長愁人起常早閉門寂無事滿院

一作地

生秋

草昨宵西一作窗夢夢入荆南一作道遠客歸去來在

家貧亦好

羅江客舍

山縣秋雲閣茅亭暮雨寒自傷庭葉下誰問客衣單有
興時添酒一作無聊嬾整冠近來鄉國夢夜夜到長安

贈岑郎中

童年未解讀書時誦得郎中數首詩四海煙塵猶隔閣

十年魂夢每相隨一作雖披雲一作霧逢迎疾已恨趨

風拜德

一作識

遲天下無人鑒詩句不尋詩伯重

一作更

尋

誰

聞笛

一作李益詩

入夜思歸切笛聲清

一作寒

更哀愁人不願聽自到枕前

一作邊

來風起塞雲斷夜深關月開平明獨惆悵飛盡一

庭梅

漢上題韋氏莊

結茅同楚客卜築漢江邊日落數歸鳥夜深聞扣舷水

痕侵岸柳山翠借厨煙調笑提筐婦春來蠶幾眠

閨情

側聽官官說知君寵尚存未能開笑頰先欲換愁魂寶
鏡窺粧影紅衫裏淚痕昭陽今再入寧敢恨長門

衡陽春日遊僧院

曾共劉諮議同時事道林與君相掩淚來客豈知心
雪凌春積爐煙向暝深依然舊童子相送出花林

玉臺體題湖上亭

湖入縣西邊湖頭勝事偏綠竿初長笋紅顆未開蓮蔽
日高高樹迎人小小船清風長入坐夏月似秋天

早梅

一樹寒梅白玉條迴臨村路傍溪橋應緣一作不知近水花

先發疑是經春一作冬雪未銷

移家別湖上亭

好是一作去春風湖上亭柳條藤蔓繫離情黃鶯久住渾

相識欲別頻啼四一作三五聲

客堂秋夕

隔窗螢影滅復流北風微雨虛堂秋蟲聲竟夜引鄉淚

蟋蟀何自知人

一作知人自

愁四時不得一日樂以此方悲

客遊惡

一作牢落

寂寂江城無所聞梧桐葉上偏蕭索

湖南雪中留別

草草還草草湖東別離早何處愁殺人歸鞍雪中道出門
迷轍跡雲水白浩浩明日武陵西相思鬢堪老

贈別張駙馬

上元年中長安陌見君朝下欲歸宅飛龍騎馬三十匹

一作四

玉勒雕鞍照初日數里衣香遙撲人長衢雨歇無

纖塵從奴斜抱勅賜錦雙雙盛出金麒麟天子愛壻皇

后弟獨步明時負權勢一身扈蹕承殊澤甲第朱門聳

高戟鳳凰樓上伴吹簫鸚鵡杯中醉留客泰去否來何

足論官中晏駕人事翻一朝負譴辭丹闕五年待罪相

江源冠冕淒涼幾遷改眼看桑田變成海華堂金屋別

賜人細眼黃頭總何在渚宮相見寸心悲嬾欲令時問

昔時看君風骨殊未歇不用愁來雙淚垂

涇州觀元戎出師

寒日征西將蕭蕭萬馬叢吹笳覆樓雪祝纛滿旗風遮
虜黃雲斷燒羌白草空金鏡肅天外玉帳靜霜中朔野
長城閉河源舊路通衛青師自老魏絳賞何功槍壘依
沙迴轅門壓塞雄燕然如可勒萬里願從公

從軍行

昔從李都尉雙鞬照馬蹄擒生黑山壯殺敵黃雲西太

白沈虜地邊草復萋萋歸來邯鄲市百尺青樓梯感激
然諾重平生膽力齊芳筵暮歌發豔粉輕鬟低半酣一作
醉秋風起鐵騎門前嘶遠戍報烽火孤城嚴鼓鼙揮鞭
望塵去少婦莫含啼

古意

女伴朝來說知君欲棄捐嬾梳明鏡下羞到畫堂前有
淚霑脂粉無情理管弦不知將巧笑更遣向誰憐

聽杜山人彈胡笳

一本題下有歌字

綠琴胡笳誰妙彈
山人杜陵名庭蘭
杜君少與山人友
山人沒來今已久
當時海內求知音
囑付胡笳入君手
杜陵攻琴四十年
琴聲在音不在弦
座中為我奏此曲
滿堂蕭颯如窮邊
第一第二拍淚盡
蛾眉沒蕃客更聞
出塞入塞聲穹廬
氊帳難為情胡天
雨雪四時下五月
不曾芳草生須臾
促軫變宮徵一聲
悲兮一聲喜南看
漢月雙眼明却顧
胡兒寸心死迴鶻
數年收洛陽洛陽
士女皆驅將豈無
父母與兄弟聞此
哀情皆斷腸杜陵

先生證此道沈家祝家皆絕倒如今世上雅風衰若箇
深知此聲好世上愛箏不愛琴則明此調難知音今朝
促軫為君奏不向俗流傳此心

詠史

一作和蕃

漢家青史上計拙是和親社稷依明主安危託婦人豈
能將玉貌便擬靜胡一作煙塵地下千年骨誰為輔佐臣

桂州臘夜

坐到三更盡歸仍萬里賒雪聲偏傍竹寒夢不離家曉

角分殘漏孤燈落碎花二年隨驃騎辛苦向天涯

再赴桂州先寄

一作上

李大夫

玷玉甘長棄朱門喜再遊過因讒後重恩合死前酬養
驥須憐瘦栽松莫厭秋今朝兩行淚一半血和流

題招提寺

招提精舍好石壁向江開山影水中盡鳥聲天上來一

燈傳歲月深院

一作殿

長莓苔日暮雙林磬泠泠

一作玲玲

送

客回

謫官辰州冬至日懷

去年長至在長安策杖曾簪獬豸冠此歲長安逢至日
下堦遙想雪霜寒夢隨行伍朝天去身寄窮荒報國難
北望南郊消息斷江頭唯有淚闌干

贈韋況徵君

身欲逃名名自隨鳳銜丹詔降茅茨苦節難違天子命
貞心唯有老松知回看藥竈封題密強入蒲輪引步遲
今日巢由舊冠帶聖朝風化勝堯時

送吉州閩使君入道二首

聞道桃源去塵心忽自悲
余當從宦日君是棄官時
金汞封仙骨靈津嚙玉池
受傳三籙備起坐五雲隨
洞裏花常發人間鬢易衰
他年會相訪莫作爛柯碁

廬陵太守近隲官霞

一作月

帷初朝五

一作玉

帝壇風過鬼

神延

一作迎

受籙夜深龍虎衛
燒丹冰容入鏡纖
埃靜玉

液添

一作傾

餅漱齒寒莫遣桃花迷
客路千山萬水訪君

難

入劔門

劔門兵革後萬事盡堪悲
烏鼠無巢穴兒童話別離
山川同昔日荆棘是今時
征戰何年定家家有畫旗

過商山

雨暗商山過客稀
路傍孤店閉柴扉
卸鞍良久茅簷下

待得巴

一作主

人樵採歸

閨春宴花溪嚴侍御莊

一團青

一作春

翠色云是子陵家
山帶新晴雨溪留閨月

花瓶開中漉酒地
坼筍抽芽綵縲

一作何幸

承顏面

一作服

朝

朝賦

一作奏

白華

歲暮客懷

異鄉三十口親老復家貧
無事乾坤內虛為翰墨人
歲華南去後愁夢北來頻
惆悵江邊柳依依又欲春

秋望興慶宮

先皇歌舞地今日未遊巡
幽咽龍池水淒涼御榻塵
隨風秋樹葉對月老宮人
萬事如桑海悲來欲慟

一作動

神

送鄭鍊師貶辰州

辰州萬里外，想得逐臣心。
謫去刑名枉，人間痛惜深。
誤

將瑕指玉，遂使謾

一作謗

消金計日西歸在，休為澤畔吟。

雲夢故城秋望

故國遺墟在，登臨想舊遊。
一朝人事變，千載水空流。
夢

渚鴻聲

一作毛

晚

一作飛晚

荆門樹色秋，片雲凝不散。
遙挂

望鄉愁

秋日感懷

洛陽岐路信悠悠無事辭家兩度秋日下未馳千里足
天涯徒泛五湖舟荷衣半浸綠鄉淚玉貌潛銷是客愁
說向長安親與故誰憐歲晚尚淹留

送王明府入道

何事陶彭澤明時又挂冠為耽泉石趣不憚薜蘿寒輕
雪籠紗帽孤猿傍黥壇懸懸一作思老松下金竈夜燒丹

秋月

一作江城秋夜

江干入夜杵聲秋百尺疎桐挂斗牛思苦自看一作緣明

月苦人愁不是月華愁

賦得鐵馬鞭

成器雖因匠懷剛本自天為憐持寸節長擬靜三邊未
入英髦用空存鐵石堅希君剖腹取還解抱龍泉

聞顏尚書陷賊中

聞說一作傳道征南沒那堪故吏聞能持蘓武節不受馬超
勲國破無家人一作人信天秋有鴈羣同榮不同辱今日負

將軍

送蘇參軍

憶昨青襟醉裏分酒醒回首愴離羣
舟移極浦城初掩
山東長江日早曛
客一作老來有恨空思德
別後誰人更
議文常歎蘇生官太屈
應緣才似鮑參軍

成都元十八侍御

不見元生已數朝
浣花溪路去非遙
客舍早知渾寂寞
交情豈謂更蕭條
空有寸心思會面
恨無單酌遣相邀
驂一作驪驄一作驄幸自能馳驟
何惜揮鞭過柞橋

觀衛尚書九日對中使射破的

盛宴傾黃菊殊私降紫泥月營開射圃霜旆拂晴霓出
將三朝貴彎弓五善齊腕迴金鏃滿的破綠弦低勇氣
干牛斗歡聲震鼓聲忠臣思報國更欲取關西

辰州聞大駕還宮

聞道鑾輿歸魏闕望雲西拜喜成悲寧知隴水煙銷日
再有園林秋薦時渭水戰添亡虜血秦人生覩舊朝儀
自慚出守辰州畔不得親隨日月旗

辰州建中四年多懷

荒徼辰陽遠窮秋瘴雨深主恩堪灑血邊官更何心
海
上紅旗滿生前白髮侵竹寒寧改節隼靜早因禽務退
門多掩愁來酒獨斟天涯憂國淚無日不霑襟

上桂州李大夫

今日辭門館情將衆別殊感深翻有淚仁過曲憐愚晚
曉一作鏡傷秋鬢晴寒切病軀煙霞一作波萬里闊宇宙一

身孤一作透倚馬才寧有登龍意豈無唯於方寸內暗貯

報恩珠

江城秋霽

霽後江城風景涼，豈堪登眺只堪傷。
遠天蟬竦收殘雨，映水鷓鴣近夕陽。
萬事無成空過日，十年多難不還鄉。
不知何處銷茲恨，轉覺愁隨夜夜長。

上李常侍

旌旗曉過大江西，七校前驅萬隊齊。
千里政聲人共喜，三軍令肅馬前嘶。
恩霑境內風初變，春入城陰柳漸低。

桃李不須令更種
早知門下舊成蹊

上湖南崔中丞

山上青松陌上塵
雲泥豈合得相親
舉世盡嫌良馬瘦
唯君不棄一作臥龍
貧千金未必能移性
一諾從來許殺身
莫道書生無感激
寸心還是報恩人

早春雪中

陰雲萬里晝一作漫漫
愁坐關心事
幾般為報春風休

下雪柳條初放一作不禁寒

雲安阻雨

日長巴峽雨濛濛
又說歸舟路未通
遊人不及西江水
先得東流到渚宮

湖南春日二首

自憐春日客長沙
江上無人轉憶家
光景却添鄉思苦
簷前數片落梅花

三湘漂寓若流萍
萬里湘江

一作江

鄉隔洞庭羈客春
來心

欲碎東風莫遣柳條青

送陸秀才歸覲省

武陵何處在南
指楚雲陰花萼連枝

一作芳

近桃源去路

深啼鶯徒寂寂
征馬已駸駸
上千年柳條條挂我心

戲題秋月

秋宵月色勝春宵
萬里天涯靜寂寥
近來數夜飛霜重
只畏娉娉樹葉凋

宿湘江

九月湘江水漫流
沙邊唯覽月華秋
金風浦上吹黃葉

一夜紛紛滿客舟

戲贈張使君

數載蹉跎罷搢紳
五湖乘興轉迷津
如今野客無家第
醉處尋常是主人

別公安賈明府

葉縣門前江水深
淺於羈客報恩心
把君詩卷西歸去
一度相思一度吟

霽雪

一作韓舍人
書窗殘雪

風卷寒

一作黃

雲

一作長空

暮雪晴江煙洗盡柳條

一作枝

輕簷

前數片無人掃又得書窗一夜明

漢陰弔崔員外墳

遠別望有歸葉落

一作落葉

望春暉所痛泉路人一去無還

期荒墳遺漢陰墳樹啼子規存沒抱冤滯孤魂意何依

豈無骨肉親豈無深相知曝露不復問高名亦何為相

攜慟君罷春日空遲遲

題槿花

自用金錢買槿栽二年方始得花開鮮紅未許佳人見
蝴蝶爭知早到來

題宋玉亭

宋玉亭前悲暮秋陽臺路上雨初收應緣此處人多別
松竹蕭蕭也帶愁

過東平軍

畫角初鳴殘照微營營鞍馬往來稀相逢士卒皆垂淚
八座朝天何日歸

送辰

一作新

州鄭使君

誰人不譴謫君去獨堪傷長子家無弟

一作第

慈親老在

堂驚魂隨驛吏冒暑向炎方未到猿啼處參差已斷腸

江上柳送人

一本題上有賦得二字

江柳斷腸色黃絲垂未齊人看幾重恨鳥入一枝低鄉
淚正堪落與君又解攜相思萬里道春去夕陽西

湘南曲

虞帝南遊不復還翠蛾幽怨水雲間昨夜月明湘浦宿

閨中珂珮度空山

桂州西山登高上陸大夫

登高上山高處更堪愁
野菊他鄉酒蘆花滿眼秋
風煙連楚郡兄弟客

一作愛

荆州早晚朝天去
親隨定遠侯

寄鄭鍊師

平生金石友淪落向辰州
已是二年客那堪終日愁
尺書渾不寄兩鬢計應秋
今夜相思月情人南海頭

八月十五日

憶昔千秋節，懽娛萬國同。今來六親遠，此日一悲風。
年少逢胡亂，時平似夢中。梨園幾人在，應是涕一作無窮。

征人歸鄉

三月江城柳絮飛，五年遊客送人歸。
故將別淚和鄉淚，今日闌干濕汝衣。

駱家亭子納涼

江湖思渺然，不離國門前。
折葦魚沈藻，攀藤鳥出煙。
生衣宜水竹，小酒入詩篇。
莫怪侵星坐，神清不欲眠。

逢隴西故人憶關中舍弟

莫話邊庭事心摧不欲聞
數年家隴地舍弟歿胡軍
每念支離苦常嗟骨肉分
急難何日見遙哭隴西雲

秋夜

一本有宿字

梁十三廳事

今來秋已暮還恐未成歸
夢裏家仍遠愁中葉又飛
竹聲風度急燈影月來微
得見梁夫子心源有所依

成都暮雨秋

一作秋雨

九月龜城暮愁人閉草堂
地卑多雨潤天暖少秋霜
縱

欲傾新酒其如憶故鄉不知更漏意惟向客

枕一作

邊長

酬梁二十

渚宮無限客相見獨相親長路皆同病無言似一身歲
寒唯愛竹憔悴不堪春細與知音說攻文恐悞人

花下宴送鄭鍊師

愁裏惜春深聞幽即共尋貴看花柳色圖放別離心客
醉花能笑詩成花

一作酒

伴吟為君調綠綺先奏鳳歸林

秋館雨後得弟兄書即事呈李明府

弟兄書忽到一夜喜兼愁空館復聞雨貧家怯到秋坐
中孤燭暗窗外數螢流試以他鄉事明朝問子游

寄梁淑

長憶江頭執別時論文未有不相思鴈過經秋無尺素
人來終日見新詩心思食藥何由展家似流萍任所之
悔學秦人南避地武陵原上又徵師

送張秀才之長沙

君向長沙去長沙僕舊諳雖之

一作云

桂嶺北終是闕

一作

洞庭南山靄生朝雨江煙作夕嵐松醪能醉客慎勿滯
湘潭

塞下一作曲

漢將歸來虜塞空旌旗初下玉關東高蹄戰馬三千匹
落日平原秋草中

送僧法和一作送亮法師

達士心無滯他鄉總是家問經翻貝葉論法指蓮花欲
契真空義先開智慧芽不知飛錫後何處是恒沙

送嚴十五郎之長安

送客身為客，思家愴別家。
暫收雙眼淚，遙想五陵花。
路遠征車迴，山迴劍閣斜。
長安君到日，春色未應

一作曾 賒

冬夜宴梁十三廳

故人能愛客，秉燭會吾曹。
家為朋徒罄，心緣翰墨勞。
夜寒銷臘酒，霜冷重綈袍。
醉卧西窗下，時聞鴈響高。

收襄陽城二首

悲風慘慘雨修修，峴北山低草木愁。
暗發前軍連夜戰，

平明旌旆入襄州

五營飛將擁霜戈
百里僵尸滿澧河
日暮歸來看劍血
將軍却恨殺人多

出軍

龍繞旌竿獸滿旗
翻營乍似雪中
一作山
移中軍一隊三
千騎盡是并州遊俠兒

和李尹種葛

弱質人皆棄
唯君手自栽
蟲含霜後竹
香惹臘前梅
擬

託凌雲勢須憑接引材清

一作綠

陰如可惜黃鳥定飛來

送零陵妓

一作送妓
赴于公名

寶鈿香蛾翡翠裙裝成掩泣欲行雲
殷勤好取襄王意
莫向陽臺夢使君

採蓮曲二首

雖聽採蓮曲詎識採蓮心
漾楫愛花遠回船愁浪深
煙生極浦色日落半江陰
同侶憐波靜看妝墮玉簪

洛陽女兒花滿頭
氍毹同泛木蘭舟
秋風日暮南湖裏

爭唱菱歌不肯休

塞上曲

胡風畧地燒連山
碎葉孤城未下關
山頭烽子聲一作齊
聲叫知是將軍夜獵還

寂上人禪房

俗塵浮垢閉禪關
百歲身心幾日間
安得此生同草木
無營長在四時間

桂州口號

畫角三聲動客愁
曉霜如雪覆江樓
誰道桂林風景暖
到來重著皂貂裘

紅槿花

花是深紅葉麴塵
不將桃李共爭春
今日驚秋自憐客
折來持贈少年人

哭黔中薛大夫

亞相何年鎮百蠻
生涯萬事瘴雲間
夜郎城外誰人哭
昨日空餘旌節還

感春

看花淚盡知春盡
魂斷看花祇恨春
名位未霑身欲老
詩書寧救眼前貧

途中寄李二

一作李益詩

楊柳煙含灞岸春
年年攀折為行人
好風若借低枝便
莫遣青絲埽路塵

寄許鍊師

一作李益詩

埽石焚香禮碧空
露華偏濕蕊珠宮
如何說得天壇上

萬里無雲月正中

下第留辭顧侍郎

綺陌彤彤花照塵
王門侯邸盡朱輪
城南舊有山村路
欲向雲霞覓主人

題雲公山房

一作權德輿詩
又作楊巨源詩

雲公蘭若深山裏
月明松殿微風起
試問空門清淨心
蓮花不著秋潭水

別離

一作戴叔倫詩

手把杏花枝未曾別離
黃昏掩門後寂寞自知

九日賈明府見訪

獨掩衡門秋景閒
洛陽才子訪柴關
莫嫌濁酒君須醉
雖是貧家菊也斑
同人願得長攜手
久客深思一破顏
却笑孟嘉吹帽落
登高何必上龍山

開元觀陪杜大夫中元日觀樂

第八句
缺一字

今朝歡稱玉京天
況值關東俗理年
舞態疑迴紫陽女
歌聲似過綵雲仙
盤空雙鶴驚几劍
灑砌三花度管弦

落日香塵擁歸騎 風油幕動高煙

中秋夜登樓望月寄人

西樓見月似江城脈脈悠悠倚檻情萬里此情同皎潔
一年今日最分明初驚桂子從天落稍誤蘆花帶雪平
知稱玉人臨水見可憐光彩有餘清

贈宜陽張使君

暫作宜陽客深知太守賢政移千里俗人戴兩重天舊
郭多新室閒坡盡闢田倘令黃霸在今日恥同年

移家別樹

千

一作手

種庭前樹人移樹不移看花愁作別不及未栽

時

成都送嚴十五之江東

江東萬里外別後幾悽悽
峽路花應發津亭柳正齊
酒傾遲日暮川闊遠天低
心繫征帆上隨君到剡溪

送李參軍

好住好住王司戶
珍重珍重李參軍
一東一西如別鶴

一南一北似浮雲月照疎林千片影風吹寒水萬里紋
別易會難今古事非是余今獨與君

題嚴氏竹亭

子陵棲遁處堪繫野人心溪水浸山影嵐煙向竹陰忘
機看白日留客醉瑤琴愛此多詩興歸來步步吟

送王端公之太原歸覲相公

柱史今何適西行詠陟岡也知人惜別終美鴈成行春
雨桃花靜離尊竹葉香到時丞相閣應喜棣華芳

旅次寄湖南張郎中

寒江近戶漫流聲
竹影臨窗亂月明
歸夢不知湖水潤
夜來還到洛陽城

晚次荆江

孤舟大江水
水涉無昏曙
雨暗迷津時
雲生望鄉處
漁翁閒自樂
樵客紛多慮
秋色湖上山
歸心日邊樹
徒稱竹箭美
未得楓林趣
向夕垂釣還
吾從落潮去

同辛兖州巢父虛副端岳相思獻酬之作因紆

歸懷兼呈辛魏二院長楊長寧

暮角發高城，情人坐中起。
臨觴不及醉，分散秋風裏。
雖有明月期，離心若千里。
前歡反惆悵，後會還如此。
焉得夜淹留，一回終宴喜。
羈遊復牽役，館至重湖水。
早晚泛歸舟，吾從數君子。

撫州處士湖泛舟送北迴兩拍此南昌縣查溪
蘭若別

移樽鋪山曲，祖帳查溪陰。
鋪山即遠道，查溪非故林。
悽

然誦新詩落淚霑素襟郡政我何有別情君獨深
禪庭古樹秋宿雨清沈沈揮袂故里遠悲傷去住心

耒陽谿夜行

為傷社甫作

乘夕棹歸舟緣源二轉幽月明看嶺樹風靜聽溪流
嵐氣船間入霜華衣上浮猿聲雖此夜不是別家愁

桂城早秋

遠客驚秋早江天夜露新滿庭惟有月空館更何人
卜命知身賤傷寒舞劒頻猿啼曾下淚可是為憂貧

桂州歲暮

歲暮天涯客，寒窗欲曉時。
君恩空自感，鄉思夢先知。
重誼人愁別，驚棲鵲戀枝。
不堪樓上角，南向海風吹。

宿桂州江亭呈康端公

獨向東亭坐，三更待月開。
螢光入竹去，水影過江來。
露滴千家靜，年流一葉催。
龍鍾萬里客，正合故人哀。

御定全唐詩卷二百七十